

Afe mgbi iPol ongwi ababo mbi ama onoyeye Emi iKorinti

¹ Afe ne kye mbi ani iPol ngwu Imgbasho kwu ani ela mi oweka mgban gbɛɛ ni ani li inggisɛ ogbikye iKrestu iYesu beyi iSɔstɛne ongwuneyi nɛni.

² Ani le lo kɛ mbi emi odzimgbasho mi iKorinti, mbi ama ngwu a salu ma mbi iKrestu iYesu diyɛ kwu ma ela owa yɛɛ saan, beyi ama nli kwu mi iyi mgbi iYesu iKrestu mgbi eyi mi ali imbe duu gbɛɛ, Otɛ mgbi ama beyi mgbi eyi nani.

³ Elela beyi iyu nkyɛ mbi Otseyi Imgbasho beyi Otɛ iYesu iKrestu na no dzɛ yi ema.

Angba otaata

⁴ Ani li ta Imgbasho angba along duu ikye ema mi ikye elela ngwi o kye nu ema mi ikpewo iYesu iKrestu nani.

⁵ Lubana li mbon ngwi ema yɛɛ aludu mi ali ito ofe duu, mi odzɛ ogbɔɔgbɔ beyi ozoyeye mgbi ema aani,

⁶ Ikyena obwɛndɛ mgbi eyi ikye iKrestu to gedee mbi ema.

⁷ Nghanɛ ema kwoba yi umba mgbi onodzi ba dafi i dzɛ ema kwɔkwɔ mi oyɛɛyɛ mgbi iYesu iKrestu nani.

⁸ O ka nu ema mfye nghataa kɛ ongyɛngyɛ, zukwu ni a wa di ema yi obube mi egbe ngwi Otɛ mgbi eyi iYesu iKrestu ka yɛ na ba mani.

⁹ Imgbasho nkwu abu ela kaka okwakye-kwakye yi ongwani iYesu iKrestu Otse mgbi eyi na li otsitsi.

Obgua-gbua mbi emi iKrestu

¹⁰ Emi ongwunani mi ifu iKrestu, n le tekye nu ema mi iyi mgbi Otse iYesu iKrestu gbɛɛ ni ema gbela yi ewema. Ka gha yi ewema ba. Ewe otseetse yi ungwɔ okyɔɔkyɔ mgbi ema no tso gbɛɛ ema dze ondonyi.

¹¹ Emi ongwunani mi ifu iKrestu, n fwo mbi inggise angbeka mi ude iKlio gbɛɛ ema le kyɔ odze oshiishi yi ewema.

¹² N fwo di ema angbeka le gbɛɛ, <<Ani le kyɛɔ iPol>> oka gbɛɛ, <<Ani le kyɛɔ Apolo>> oka gbɛɛ, <<Ani le kyɛɔ iKefa>> oka di gbɛɛ, <<Ani le kyɛɔ iKrestu.>>

¹³ iKrestu ghaa? Li iPol ngwu a gbokwo mi ekwatsi gbɛɛ no kwikwu ikye ali ibwubwe mgbi emaa? Naadi li iyi mgbi iPol ngwi a kyɔ ema iBatisima?

¹⁴ N ta Imgbasho angba ikyekye ani kyɔ inggise onyi kpaa iBatisima ba, li iKrispu beyi iGayosu kyon,

¹⁵ nghanɛ inggise onyi ka yagba gbɛɛ di a kyɔ ema iBatisima mi iyi mgbi ani ba.

¹⁶ (N we dafi li eto mgbi iStefana kyon ta ngwi ani kyɔ ma iBatisima mani, n yagba we ni ani kyɔ eto oka ba.)

¹⁷ Lubana iKrestu yama do ani eso owa kyɔ iBatisima ba, kpaa li ogbo Eso Osuse yi ozoyeye mgbi inggise owamyɛ ba. Ikye ni mfyɛ mgbi iKrestu mi ekwatsi na no ka yɛɛ ayayi ba mani.

*IKrestu li ozoyeye yi mfye
mgbi Imgbasho*

¹⁸ Lubana esɔ ogboɔgbɔ mgbi ekwatsi li dze too mi adɔ mgbi ama nle dzili mani, nghaduu mbi eyi ama nwato yɔ, esɔ na li mfye mgbi Imgbasho.

¹⁹ Afe gbɛɛ, <<N ka kyi mbelu ozoyeye mgbi inggise ama okwiine mani. Ama ntsewe gbɛɛ ama ye nyese na n ka wo ma endɛ.>>

²⁰ Inggise okwiine ma kɔ? Inggise okpayi ungwɔ ma kɔ? Ama okya mi odze ongwɔ egbe nɛ ma kɔ? Imgbasho tso gbɛɛ ozoyeye mgbi ɛɛ nɛ li ikwangha daabaa?

²¹ Lubana Imgbasho mi ozoyeye mgban nu inggise difwi ongwu mi ozoyeye mgbi inggise owamye ba. Tatase ma yɔ, li mi esɔ ngwi eyi le gbɔ ngwi a le kwun di ikwangha ungwɔ nɛ ngwi Imgbasho nu ama nnoyeye mi ele wato aani.

²² Emi iJuda mina ambe okwulewo, kpaa emi iGriki mina ozoyeye.

²³ Nghaduu eyi le gbeeso mgbi iKrestu ngwu a gbokwon nani: O li ikwutse otsiishi mgbi emi iJuda di li ikwangha ungwɔ mbi Udzengye,

²⁴ nghaduu mbi ama ngwu Imgbasho kwu ma ela mi idzidze emi iJuda beyi iGriki yɔ, iKrestu li mfye beyi ozoyeye mgbi Imgbasho.

²⁵ Lubana ikwangha mgbi Imgbasho nga ozoyeye mgbi inggise, ewo odzaatsi mgbi Imgbasho fyumfye nga enɛpɛ mgbi inggise.

²⁶ Emi ongwunani, tsewe ito inggise ngwu ema dze duuse ngwi a wa kwu ema ela mani. Li ema tsatsa kwiine mi odzɛɛdze mgbi inggise ba; li duu fwiayi ba; li ema duu a mba ema mi aludu ba.

²⁷ Nghaduu Imgbasho sadu ungwɔ ama ɛɛ li kwu ma di ikwangha ma ikye onu ama oyodzɛ ayiwi. O di sadu ungwɔ ama ndɛngyɛ emi ɛɛ nɛ ikye onu emi mfye ayiwi.

²⁸ Imgbasho sadu ungwɔ mgbi ɛɛ nɛ ama ngwi a kwushanyɛ bɛyi ungwɔ ngwi a kye wuuta ba, bɛyi ungwɔ ngwi a kye ma gbɛɛ li unka ba ma ngha ungwɔ ama emi ɛɛ nɛ di gbɛɛ li ungwɔ imɔ mani,

²⁹ ikye ni inggise onyi ka tsa abigɛɛ yan ba.

³⁰ Li mi ikye Imgbasho ngwi ema dɛ mbi iKrestu iYesu aani, ongwu n yɛ ozoyeye mgbi eyi nkyɛ mbi Imgbasho nli onyaan yi osaan mgbi eyi di li owatɔ-watɔ mgbi eyi aani.

³¹ Ikyenghanɛ, Afɛ lɔ gbɛɛ, <<Inggise nka tsaabɔ igɛɛ yɔ, no tsaabɔ igɛɛ mbi Otɛ.>>

2

IPol gbeeso mgbi iKrestu ongwu a gbokwon mi ekwatsi

¹ Emi ongwunani mi ifu iKrestu, onɔ ngwi ani ba mbi ema ma n yama fwi iba mgbi Imgbasho nya ema yi ondu omyɛmyɛ hona yi ozoyeye odatu ba.

² Lubana ngwi ani dɛ yi ema ma, n mina oye unkoka ba, sede li ogbeeso mgbi iKrestu yi ikwu mgban mi ekwatsi kyoon.

³ Nose ngwi ani ba mbi ema ma n dɛ dafi ndzinubu mani, yi imio ewo kpakpa.

⁴ Elodɛ ngwi ani gbeeso mi ele li elodɛ mgbi ine okwuukwu hona elodɛ ogyila inggise ba, kpaa li mi abumfye mgbi Onodzi,

⁵ adzi ni oyeye onuunu mgbi ema no ka dze mi ozoyeye mgbi inggise owamye ba, kpaa no li mi mfyemgbi Imgbasho.

Iba nkyem mi Onodzi mgbi Imgbasho

⁶ Nghaduu, eyi li gbeeso mgbi ozoyeye yi amanyotse mi onodzi mani, kpaa li mi ozoyeye ongwiese ne hona mgbi utonongwi egbene ngwu ozoyeye mgbi ama le wabyulu na ba.

⁷ Kpaa, ozoyeye ngwi eyi le gbonene, li ozoyeye mgbi Imgbasho ndzemiodaada ngwi inggise yonba, kpaa Imgbasho abuan kye dzeke mi okwakwo mgbi eyi se a kwuma ta ese.

⁸ Ama oteyi ese onyi kpaa difwi ozoyeye ne ba, a ki difwi yo, a ki yama gbokwo Otse mgbi okwakwo mi ekwatsi ba.

⁹ Nghaduu, Afe lo gbee: <<Ungwo ngwi ine din ye waba, ngwi adonnyi fwon waba, ngwi itukwu onyi kpaa tsewe gbee ka kyo ba mani, li ungwongwi Imgbasho kyi melu dzeke ikye ama ndin kpa ma itukwu ma aali.>>

¹⁰ Nghaduu Imgbasho kye tso eyi nye mbi Onodzi mgban. Onodzi na li ye alungwo duu kwo yi ungwoma nlu kpini mbi Imgbasho kpaa.

¹¹ Lubana li emeka ye ewodze ongwitukwu mgbi inggise? Sede li onodzi mgbi inggise nani, li ito ofe na yeye ngwi inggise onyi ka ye ewodze mgbi Imgbasho ba aali, sede li Onodzi mgbi Imgbasho ta.

¹² Eyi yama gbe onodzi ongwiese ne ba, kpaa li Onodzi nkyembi Imgbasho adzi ni eyi tu osami ungwoma Imgbasho gbe nu eyi ayayi neni.

¹³ Nghane eyi le gbɔdze mi ewe otseetse mgbi inggise owamye ba, kpaa li mi ewe otseetse mgbi Onodzi mgbi Imgbasho. Di li Onodzi ne kpɔɔ li nu eyi tse ungwɔ ongwɔ Onodzi nya inggise ama nto mi onodzi aani.

¹⁴ Nghaduu inggise ndze yi Onodzi Osaan na bayɔ, ka gbela ungwɔ nkye mbi Onodzi mgbi Imgbasho na ba, ikyesine a li ayayi ungwɔ mbon, dika gbosa lon kpaa ba, ikyekye a li ungwɔ emi onodzi.

¹⁵ Inggise ndze mi onodzi yɔ, ka yagba fwo alungwɔ duu ikwɔ, kpaa ongwu abuan yɔ, inggise onyi ka yagba fwon ikwɔ ba.

¹⁶ Lubana Afe gbɛɛ, <<Li eme ye owitukwu mgbi Otse ngwi otsungwɔn ka wan odze?>> Nghaduu eyi dze yi itukwu mgbi iKrestu nani.

3

Ogbua-gbua mbi emi iKrestu

¹ Emi ongwunani, n yagba gbɔdze yi ema dafi inggise ama nto mi Onodzi ba, kpaa dafi inggise emi ese ne mani, ikyekye ema to dafi engweyeyi mi ifu iKrestu.

² Ani nu ema enaabe, li ungwogye okpɔklo ba, ikyesine ema me mi ele ba. Nghataa ba onene kpaa, ema me waba.

³ Ema ka li emi ese. Lubana ngwi uwaba yi odze oshiishi ka dze idzidze ema ne, ema li emi ese daabaa? Ema le kyo dafi emi ewewe bana?

⁴ Bana ni inggise le gbɛɛ, <<N le kyedɔ iPol,>> oka dile gbɛɛ, <<N le kyedɔ Apolo ma,>> ema le kyo dafi emi ewewe daabaa?

⁵ Nghama li eme li Apolo? Li eme di li iPol? Eyi li engbido mgbi Imgbasho ta aani. Li ikpewo eyi ngwi ema noyeye, dafi Otse kye wo eyi abo gbee ni eyi kyo mani.

⁶ Ani kya eto, Apolo yawo eni, kpaa li Imgbasho non she.

⁷ Nghane inggise nkye kya yi ongwu n yawo eni ma li unka ba, kpaa li Imgbasho yuon, nli nu ungwɔ she nani.

⁸ Inggise nkye ye beyi ongwu yawo eni na duu le kyido ungwonyi. Ali inggise dika gbe umba mi odzeedze ido mgban.

⁹ Lubana eyi li ama okyido yi Imgbasho; kpaa ema yo li okwo mgbi Imgbasho. Ema di li ozu mgbi Imgbasho kpaa.

¹⁰ Mi elela ngwi Imgbasho di ani ma, ani wo itozu dafi inggise n ye ozu ombembe saan mani, ta inggise oka le mbe dake ele. Nghaduu ali inggise nle mbe duu no mbe mi ozoyeye.

¹¹ Lubana inggise onyi ka yagba wo itozu oka idzidza yi ongwɔ Imgbasho tsekise wo nli iYesu iKrestu ne ba.

¹² Ali inggise nkye abashi, hona iyudza onzundze hona akwutse ofyunfyummya hona ekwo hona enggwɔ naadi angganggo, le mbe do itozu ne duu,

¹³ a ka kye ido mgban tso dafi i dze mani, ikyekye Egbe na ka kye do ododa. A ka kye mbadi mi ola, man ola ka tso odzeedze ido mgbi ali inggise duu.

¹⁴ Inggise ngwu ido mgban gyola bayo, o ka gbe umba.

¹⁵ Kpaa ni i gyola yo, o gyadze labo; ongwu

abuon a ka dulun tɔ, nghaduu o ka wato dafi inggise nwato mi amoola mani.

¹⁶ Ema ye dafi ema abuema li ozu mgbi Imgbasho, Onodzi mgbi Imgbasho di wodze mbi ema ma we?

¹⁷ Ali inggise nkyi mbelu ozu mgbi Imgbasho yo, Imgbasho ka dzilin. Lubana ozu mgbi Imgbasho le saan, ema abuema li ozu nani.

¹⁸ Ka yama kpaagya ewema wo ba. Ki inggise mi idzidze ema tsewe gbɛɛ ongwu yodze mi odzeedze mgbi ɛsɛ ongwɛ onene yo, no yeɛ <<ikwangha>> adzi no wa yeɛ inggise okwiine.

¹⁹ Lubana ozoyeye mgbi ɛsɛ nɛ li ikwangha mbi Imgbasho. Dafi Afe lo mani gbɛɛ, <<O li bwa ama okwiine mi angwe mgbi ama.>>

²⁰ Afe di gbɛɛ, <<Otse ye dafi ewe otseetse mgbi ama okwiine li ayayi mani.>>

²¹ Ikyenghanɛ, ka kye odzeedze mgbi inggise tsaabo igɛgɛ ele ba! Alungwo duu li mgbi abu,

²² ni li iPol hona Apolo hona iKefa naadi ɛsɛ hona oshishe naadi ikwongye naadi onene hona iyayi duu li mgbi ema,

²³ ema li mgbi iKrestu, iKrestu li mgbi Imgbasho.

4

Ama ogbikye iKrestu

¹ Ikyenghanɛ, ema di eyi dafi engbido mgbi iKrestu yi ama ngwu a kye ido odaada mgbi Imgbasho wo eyi abo gbɛɛ ni eyi gbo mani.

² Onene a mina gbɛɛ ama ngwu a kyi ido wo ma abo ma, li kyeme nu ma le kyon mi otsitsi.

³ Ni ema hona opiikwo gbo ani ikwo kpaa li itodze ba. Mi otsitsi yo, ani abuen kpaa li gbo ewani ikwo ba.

⁴ Itukwu mgbi ani le saan, kpaa nana tso gbɛɛ ani le saan bese ba. Li Otse li ongye ogbo ani ikwo.

⁵ Nghane ka fwo inggise onyi ikwo duuse ni onɔ ma gyo ba; fe nghataa ni Otse ye se. O ka kye ungwɔ ndze mi iyifu beyi itukwu inggise do ododa. Li mi onɔ na Imgbasho ka tse ali inggise ngyo ngwi o ka tsan aali.

⁶ Ikyenghane emi ongwunani, n kye ewani yi Apolo tso ambe ikye oyabo mgbi ema, adzi ni ema di ambe mbi eyi mi odze ngwi a gbogbɛɛ, <<Ka foola mi ungwɔ ngwi a lo dze ese ne ba.>> Ta ema ka nya ogbɛɛ inggise oka ngha oka.

⁷ Lubana li eme nu ema tatase ngha angbeka? Li alungwɔ ngwi abu dzezan se ngwi a kye nu abu nuunu ba? Ma ni a kye nu abu nuunu waali, kyosinese abu le tsaabo igegɛ?

⁸ Ema teyi dze yi alungwɔ ngwi ema mina wa! Ema teyi li emi awuya wa! Ema yee uto, ngwi eyi li uto ba ne kpaa? I mina ani gbɛɛ ema ki yee uto otsitsi, zukwu ni eyi kpaa yee uto yi ema!

⁹ Lubana i dzen gbɛɛ Imgbasho kye eyi ama ogbikye iYesu dzeke imbe nnghao yeyikpa duu mani. Eyi to dafi inggise ngwu a ngwɔ ma ikwo kye ma le ka ngwɔ mi ododa mani. A nu eyi yee imbe okwakye mi ine engyeso beyi inggise mi ese duu.

¹⁰ Eɛ di eyi gbɛɛ eyi li ikwangha ikye iKrestu, kpaa ema yo iKrestu nu ema kwiine! A di gbɛɛ eyi

le sheshe, kpaa ema yɔ ema fyumfye! A li kwu eyi shanye, nghaduu a li nu ema mmwe!

¹¹ Nghataa ba obyi neni eyi dze enbwa yi ekweni ifu, eyi le to ishangli; a kyɔdulu eyi kpakpa, eyi dze yi ude ba.

¹² Eyi li kyidɔ kpakpa mi abɔ mgbi eyi. Onɔ ngwi inggise wo eyi ikamba yɔ, eyi li kye mse be ma ewo; onɔ ngwi a nu eyi iso ma, eyi li shitukwu;

¹³ onɔ ngwi a fya eyi ito, eyi li nu uka yi elodze olewo. Nghataa ba oneneni a kye eyi yee ungwo isha, eyi dze dafi ishibe mgbi ese neni!

¹⁴ N le lo ema afe ne, li ikye onu ema ayiwi ba, kpaa li ikye okwo ema adɔ, dafi emi ongwani ama osuse mani.

¹⁵ Lubana ni ema sulu ama ogbekabyi ema idubu iwoyo mi ifu iKrestu kpaa, otsema li ibyibi ba. Ikyesine mi ifu iKrestu iYesu yɔ, ani yee otsema ikpewo Eso osuse neni.

¹⁶ Nghanɛ n le tekye gbɛɛ ni ema kye afo ani.

¹⁷ Mi itɔdze ne n le dɔ ongwani itukwu-tukwu ongwu nnoyeye mi ifu iKrestu, iTimoti, eso mbi ema. O ka we ema ofe oshishe ngwi ani dze ele mi ifu iKrestu iYesu kwokyi yi ungwo ani tso mi okwakye mgbi emi iKrestu mi ali imbe duu mani.

¹⁸ Ema angbeka yee ama okyile ewo esho, ikyekye ema tsewe gbɛɛ ani kyema kawa kpadi ema ba.

¹⁹ Nghaduu ni Otse gbela yɔ, n ka ba mbi ema dzikan-dzikan, ta n ka difwi dafi ama okyile ewo esho le gbɔdze ma ta ba, kpaa itɔ mfye ngwi a dzevan mani.

²⁰ Lubana esuto mgbi Imgbasho li odze ondu ta ba, kpaa li mi abumfye.

21 Li ole ka nghao kpa ema? Nin ba mbi ema yi onitse naadi okpitukwu yi itukwu iyu?

5

Idza mi ifu emi iKrestu

1 A wa kwelikwɔ gbɛɛ amah idza le kiyayi mi idzidzɛ ema, itɔ ngwi ama n ye Imgbasho ba jokpaa li kyɔn ba mani: inggise oka le la yi owa otɔn.

2 Ma ema le tsaasha! Tatase ema kile buntse di dulu ongwunema nkyungwɔnɛ ma tɔ mi idzidzɛ ema ba naa?

3 Dafi ani dze yi ema inɛ-inɛ ba nɛ kpaa, n dze yi ema mi onodzi, n di fwo inggise nkyungwɔnɛ ma ikwɔ kpaa wa, yeyɛ dafi n dze yi ema mani.

4 Onɔ ngwi ema kwakye mi iyi mgbi Otse mgbi eyi iYesu ma, ani dze yi ema mi onodzi, mfye mgbi Otse mgbi eyi iYesu di dze yi ema.

5 Kye inggise nɛ wo iSatan abɔ na, adzi ni a dzili odzɛdzɛ mgban mgbi mmbwɛ yi eyi, ni onodzi mgban wa watɔ mi egbe ngwi Otse ka yɛ mani.

6 Ewo okyile esho mgbi ema na tishi ba. Ema ye dafi ongwɛ okwuna gwee kpaa li gbɛlu ofumbu sɔ ma wɛ?

7 Kyi dulu okwuna alobube ogbugbe na mbi ema zukwu ni ema dze dafi ofumbu ofufe ngwi a kye okwuna wele ba mani, di li ungwɔ ema dze kpaa aali. Lubana a kye iKrestu, Ongwummala oga owɛ owatɔ-watɔ mgbi eyi fifɛ wa.

8 Nghane ni eyi ka kyɔ Oga nɛ yi okwuna imbaali yi ali ibwubwe ba, kpaa no li mi ogye okwuna mgbi emyemyɛ bɛyi otsitsi nani.

⁹ Ani teyi lo ema afe gbɛɛ ni ema ka kwakye yi emi amah ba.

¹⁰ Nghaduu n kyinebyi emi ɛsɛ nɛ ama nle kyo amah hona le kyo nggwɔ di yimi naadi sunu angwula ntona ba. Ni li ngha yo ka tso gbɛɛ ema ka dzata ɛsɛ nɛni.

¹¹ Kpaa ani le lo nya ema gbɛɛ ni ema ka yama bɛ ewo yi inggise nkwu ewon gbɛɛ ongwu li inggise onoyɛye kpaa widza hona li kyo nggwɔ hona li sunu angwula hona li inggise ombɛ inggise iyi hona li fyɛbyɛ naadi yimi na ba. Ka kye abɔ wo uga yi ito inggise na kpaa ba.

¹² Li ido mgbi ani ofwo emi esise ikwɔ ba. Kpaa li ido mgbi ema ofwo ama nli emi iKrestu se kale kyo obube mi ito ofɛ nɛ ma ikwɔ.

¹³ Imgbasho ka fwo emi esise ikwɔ. Kpaa ema yo Afe lo gbɛɛ, <<Lo inggise obube na tase mi idzidze ema na.>>

6

Emi iKrestu kwu eka elikwɔ

¹ Kini inggise mi idzidze ema sulu okakewo yi oka ma, o ka kyon kwelikwɔ mbi ama oye Imgbasho ba ntona naa o ka kyon kɛ mbi emi odzimgbasho?

² Ema ye dafi li emi osaan ka gbɔ ɛsɛ ikwɔ lo? Ma ni li ema ka gbɔ ɛsɛ ikwɔ wali, li ambulu odzɛ ntonɛ ngwi ema ka mɛ gbɛ ba dɛɛn?

³ Ema ye dafi eyi kawa gbɔ engyɛso ikwɔ wɛ? Se ka fwikye ungwɔ ongwɔ ɛsɛ nɛ!

⁴ Nghanɛ, kini ema sulu okakewo ito ntonɛ yo, yeba ni li inggise nfyumfye mi iKrestu ba kpaa nu ma dulun no gbiikwɔ nani!

⁵ N le gbɔdze nɛ ikye onu ema ayiwi. Ema sulu inggise onyi ongwu nkwiine mɛ ogbo ama onoyeye ikwo mi idzidze ema baa?

⁶ Nghaduu engwuneka mi ifu iKrestu le kye ewoma kwelikwo mbi ama onoyeye ba!

⁷ Ikyegbɛɛ ema sulu okakewo mi idzidze ema nɛ i tso saan gbɛɛ odze ngha ema. Tatase ni ongwunema kyo ema obube ngha onu ema kye ewema kɛ mbi emi ese baa? Tatase ni inggise kyɔkyɔ ema ogye lo?

⁸ Otimbi ngha yo, ema abuema li kyo ogye di kyo ewema obube kpaa.

⁹ Ema ye dafi ama otimbali ka kaka ude Imgbasho ba ma wɛ? Ni a ka kpagya ema wo ba ama okyo amah hona emi angwula hona ama ola yi ovinggise hona owagbai engyulo hona amah idza, ongyulo ola yi ongyulo,

¹⁰ hona emumyi, hona ama okyo nggwo, hona ama ofyebye, hona ama ombe inggise iyi, naadi ama ogbe inggise ungwo mi abumfye duu ka kaka esuto mgbi Imgbasho ba.

¹¹ Li ngha ngwi ema angbeka nose dze aali. Kpaa a kyi sholu ema, a nu ema yɛɛ saan di gye emyemye mi iyi mgbi Otse iYesu iKrestu ikpewo Onodzi mgbi Imgbasho mgbi eyi.

Ka gbaamah ba

¹² <<A nu ani ofɛ okyo alungwo duu>> kpaa li alungwo duu sulu abɔ oyaaya ba. <<A nu ani ofɛ okyo alungwo duu,>> kpaa n ka yama nu unkonyi gbɛ ani so ba.

¹³ <<Ungwogyɛ dze ikye ifu, ifu di dze ikye ungwogyɛ>> nghaduu Imgbasho ka dzili ma duu.

Ikpewo dze ikye amah ba, kpaa li ikye mgbi Otse nli otsungwo ikpewo nani.

¹⁴ Imgbasho kyile Otse mi ikwu mi abumfye mgban, o dika kyile eyi kpaa.

¹⁵ Ema yagba ye dafi ewo mgbi ema li alewo mgbi iKrestu ma we? Nghama li ayin nin kye alewo mgbi iKrestu kwokyi yi mgbi owagbaii? Onoka lo!

¹⁶ Ema ye dafi inggise nkye ewon kwokyi yi owagbai yo, o yee ungwonyi yan mi ikpewo ma we? Bana Afe lo gbe, <<Ama efa ka yee ikpewo onyi.>>

¹⁷ Nghaduu inggise nkye ewon kwokyi yi Otse yo, o yee ungwonyi yan mi onodzi.

¹⁸ Dulu abo mi amah na. Alobube angbeka duu ni inggise kyo kpaa li kwokyi yi ikpewo mgban ba, kpaa inggise nkyo amah yo, o kyo ikpewo mgban obube.

¹⁹ Ema ye dafi ikpewo mgbi ema li ozu mgbi Onodzi Osaan, nwodze mbi ema, ngwi ema gbe mbi Imgbasho na baa? Ema li mgbi ewema ba,

²⁰ a gya ema gyaagya mi mmya okwukwo. Nghanε kye ikpewo mgbi ema kyido nka nu Imgbasho mmwe mani.

7

Odze ongyaa okyeekye

¹ Li odze ngwi ani sulun mi afe ngwi ema lo ani na aani. Kini inggise kye ongyaa ba kpaa li ungwɔ obube ba.

² Kpaa ngwi amah shaye ne, i gbuo ni ali ongyulo sulu ongyaa mgban, ni ali ongyaa kpaa bongyulo.

³ Ongyulo no gbewo yi owan mi onɔ ngwi owan dze yi imina mani, ongyaa kpaa no di gbewo yi oban onɔ ngwi oban dze yi imina mani.

⁴ Ewo mgbi owongyulo li mgban yuon ba li mgbi oban kpaa. Di li ngha, ewo mgbi obongyaa kpaa li mgban yuon ba, li mgbi owan kpaa aali.

⁵ Ka fwa ogbewo yi ewema ba na sede ni ema bwondu yɔ, ikye ni ema tu onɔ bibɔ. Ni i ngye yɔ, diye gbewo yi eka ikye ni iSatan ka gyila ema ni ema gbese mi imbadi ba, ikyekye ewo ka yagba dze ngha gbe ba.

⁶ Ani le siisi ema mi odze ne ba, kpaa li odze owe-we ta.

⁷ I mina ani gbɛ engyulo duu ki dze dafi ani mani. Nghaduu Imgbasho nu ali inggise umba mgban; o nu oka ongwune, o nu oka ongwunani.

⁸ Mbi ologba yi owakwade yɔ, n le nya ma gbɛ tatase nu ma kiyayi odze yuoma dafi ani dze yuwen neni.

⁹ Nghaduu kini ema ka yagba bwa ewema fyii bayɔ, kye ongyaa na, lubana tatase okye ongyaa ngha ole ndengye kye yi imina.

¹⁰ Ema ama nkye ongyaa hona bongyulo yɔ, ongyaa no ka gha yi oban ba.

¹¹ Nghaduu ni ongyaa gheeba yi oban yɔ, no ka bongyulo oka wuba, ni i ye kyeme yɔ, no ye ka tu oban ogbugbe. Obongyaa kpaa no ka gheeba yi owan ba.

¹² Mbi angbeka yɔ n gbɛ, (nene li ewodze mgbi ani, li mgbi Otse ba): Kini inggise iKrestu sulu

owan ngwu noyeyɛ ba kpaa gbela odzɛ yan yɔ, no ka yama gheeba yan ba.

¹³ Kini ongyaa iKrestu kpaa bongyulɔ onoyeyɛ ba kpaa gbela okiyayi dzɛyan yɔ, no ka yama gheeba yan ba.

¹⁴ Lubana obongyaa onoyeyɛ ba na, a kyon kyi salu ikpewo owan, ongyaa nnoyeyɛ ba na kpaa, a kyon kyi salu ikpewo oban ngwu noyeyɛ nani. No li ngha bayɔ emi ongweema kika le kpɛkpɛ, mi ongwe emi ali ibwubwe, kpaa ngwi i dze ngha nɛ, a le osaan.

¹⁵ Nghaduu ni ongwu nnoyeyɛ ba na biibɛ ogheeba yɔ, no gha. Ongyulɔ hona ongyaa nnoyeyɛ yɔ, dze yi obube mi itɔ ofɛ na ba; Imgbasho kwu eyi ela gbɛɛ ni eyi to mi iyu.

¹⁶ Ongyaa, kaba li abu ka dulu obɔɔ wato! Abu ongyulɔ kpaa kaba li abu ka dulu owɔɔ wato?

¹⁷ Nghaduukpaa, ali inggise no kwudze mi idɔ ngwi Otɛ kye won abɔ ngwi Imgbasho kwun ela mi ele mani. Nɛnɛ li ola ngwi ani kye dze mbi emi iKrestu duu aani.

¹⁸ Inggise dze nteyi kyiikye se nu ma wa kwun elaa? No ka fwɔlu ambɛ ikye na ba. Inggise dze nkyiikye bata a kwun elaa? Yɛ no ka kyiikye wuba.

¹⁹ Ikyɛ okyɛ-kyɛ hona ikye okyɛ-kyɛ ba duu li itɔdze ba, ungwɔ okwukwo yɔ li ongyo ola mgbi Imgbasho.

²⁰ Ali inggise no tila dze mi imbiso ngwi o dze se Imgbasho kwun ela mani.

²¹ Abu teyi li ofyɛɛ se Imgbasho wa kwu abu elaa? No ka kaka abu ewo ba, kpaa ni abu ye ofɛ owato mi abɔ ofyɛɛ na yɔ, fya wato.

²² Lubana inggise nli ofyee mi onɔ ngwi Otse kwun ela ma li inggise odubɔ ewon mbi Otse; O li ungwonyi yi inggise nteyi dubɔ ewon se Otse wa kwun ela mani, o yee ofyee mgbi iKrestu.

²³ Imgbasho gya ema gyaagya mi mmya okwukwo; nghanɛ ka yee ofyee inggise ba na.

²⁴ Emi ongwunani, ali inggise no kwudze dafi otsungwon dze se Imgbasho kwun ela mani.

²⁵ Nghaduu mbi ama nbeba wa bayɔ: Otse wen ola ba, kpaa n le gbɔ owitukwu mgbi ani dafi inggise ngwu menbwa mi elela odiidi mgbi Otse ngwu a ka fwon mani.

²⁶ Mi ikye okakewo ongwi onene nɛ, n tsewe gbɛɛ tatase ni ema tila dze dafi ema dze nani.

²⁷ Abu kye ongyaa waa? Ka pita ofɛ ogheeba ba. Abu li ologbaa? Ka pita ongyaa okyeekye ba.

²⁸ Ni abu kye ongyaa yɔ, abu kyɔ obube ba; Kini ologba di kye ongyaa hona bongyulo kpaa, o kyɔ obube ba. Nghaduu ama nkye ongyaa ka dze yi okakewo ongwi ɛsɛ nɛ kwuba, nghanɛ i mina ani gbɛɛ ni ema ka kaka iso nɛ ba.

²⁹ Emi ongwunani, odze ani le gbɔ ma n le gbɛɛ, onɔ ngwi Otse ka ye ma sisi kwe. Wita onene nghataa lu iyayi ama nsulu engyaa nu ma dze dafi a sulun ba mani;

³⁰ inggise ama nle tsukwu, nu ma kyɔ dafi a le tsukwu ba mani; ama nle tsatsa, nu ma dze dafi a le tsatsa ba mani; ama ngha ungwo, nu ma kyɔ dafi li ungwo mgbi ama okye ka da ba mani;

³¹ ama nle kyɔ oyabo yi ungwo ongwi ɛsɛ nɛ, nu ma ka dzile beke ele ba. Lubana ɛsɛ nɛ dafi eyi ye ma ka nye kan-kan.

³² I mina ani gbɛɛ ni ema ka dɛɛ mi okakewo ba. Ologba li nghao gbekabyi idɔ mgbi Otɛ, dafi ongwu ka kɔ se ngwi ka kpa Otɛ mani.

³³ Nghaduu ongyulɔ nkye ongyaa yɔ li kye eka byi ungwɔ emi ɛɛ neni, dafi ongwu ka kɔ se nka kpa owan mani,

³⁴ man itukwu li yɛɛ efefa lon. Ongyaa nsulu ongyulɔ ba naadi ibidrua yɔ, itukwu mgban li fadɔ mi idɔ mgbi Otɛ, oweka mgban li okye ewon dɔ Otɛ ubɔ mi mmbwɛ yi eyi beyi onodzi. Nghaduu ongyaa nbongyulɔ yɔ, itukwu mgban li nghao byi ungwɔ ongwɛ ɛɛ neni, dafi ongwu ka kɔ se ni itukwu shɛta lo oban mani.

³⁵ N le gbɔdɛɛ nɛ ikye mgbede mgbi ema, li ikye otukwu ema ofɛ ba, kpaa li ikye ni ema dɛɛ mi ofɛ nli ayin, ndɛɛ yi itukwu efefa ba di kɔ Otɛ idɔ itukwu asisa.

³⁶ Inggisɛ ntɛwɛ gbɛɛ ongwu le kɔ yi ongwongyaa ngwu o kye ashua won onbukwɔ gbosa ba,* ma egbe mgbi ongwongyaa dile kɛ o di di gbɛɛ i gɔlo ongwu okye ongyaa yɔ, no kɔ dafi i won itukwu mani. O le kyungwɔ obube ba. Nu ma kye ewoma.

³⁷ Kpaa ongyulɔ nkyi bwalu mi itukwu mgban, ngwi a siin siisi ba, nka yagba kɔ dafi itukwu mgban nyan, di kyi kye mi itukwu mgban gbɛɛ ongwu ka kye ongwongyaa na wuba kpaa, o kɔ ayin.

³⁸ Inghawanɛ, ongwu nkye ongwongyaa na kɔ ayin, ongwu ndi fwa okye na kpaa nghao kɔ ayin duu.

* **7:36 7:36** Imbe nɛ li ongyulɔ mbe ongwongyaa onɔ, onoka li li ama omban.

³⁹ Ongyaa sulu ofe odzata ongyulo onɔ ngwi o ka dze oshishe ba, kpaa onɔ ngwi oban kwulu yɔ, o ka bongyulo ngwi o di kpan duu, kpaa no li ongyulo iKrestu.

⁴⁰ Mi odiidi mgbi ani yɔ, non tila dze yuon o ka nghao dze yi atsa, n tsewe gbɛɛ ani kpaa dze yi Onodzi mgbi Imgbasho.

8

Ungwogyɛ ngwi a kye fifɛ nu angwula

¹ Nghane mi odze ungwogyɛ ngwi a kye fifɛ nu angwula yɔ: eyi duu sulu ozoyeye mi ele. Ozoyeye li nu inggise tsaasha, kpaa okpitukwu li mbeɛmbe lu iyayi.

² Mi otsitsi yɔ inggise ama ntsewe gbɛɛ ama ye ngye na, a ye unkonyi ba dududu.

³ Kpaa inggise ngwu Imgbasho kpan itukwu yɔ Imgbasho yen.

⁴ Ikyenghane, mi itɔdze ogye ungwo ngwi a kye fifɛ nu angwula yɔ: eyi duu ye gbɛɛ angwula li unkonyi mi ese ba, eyi ye gbɛɛ Imgbasho li onyi ta.

⁵ Lubana a li kwu ungwo mi esho beyi ese kwuba di imgbasho beyi otse, kpaa onyi mi ele li Imgbasho hona otse ba,

⁶ nghaduu mgbi eyi yɔ Imgbasho li onyi ta, o li Otseyi ngwu alungwo tokye mbon, li mbon ngwi eyi dze oshishe; Otse iYesu iKrestu kpaa di li onyi ta, li ikpewon ngwi alungwo duu tokye, di li ikpewon ngwi eyi dze oshishe aani.

⁷ Ngwi i dze ngha duu ne kpaa, li inggise duu ye otsitsi ne ba. Inggise angbeka be yi angwula jo a noyeye gbɛɛ angwula li ungwo oshishe, hinine

nu ma gye ungwogye ngwi a kye fifɛ nu angwula yɔ, li dɛɛ ma gbɛɛ di li ungwogye mgbi angwula abuan, ngwi ɛwɛ otɛɛtɛ mgbi ama fyumfye ba nɛ, a li tsɛwɛ gbɛɛ ama kyɔ obube.

⁸ Nghaduu ungwogye li kye eyi ba kwɛkwɛ yi Imgbasho ba; ni eyi gye ungwogye hona gye ba kpaa eyi nyɛ idzidza mbi Imgbasho ba.

⁹ Gbɛwɛbyi saan, ni ungwogye angwula mgbi abu ogyeegye ka nu inggisɛ ama nfyumfye itukwu ba esɛ ogboogbo ba.

¹⁰ Lubana, ni inggisɛ nfyumfye itukwu ba di abu ngwu sulu ozoyeye nɛ le gye ungwɔ mi ozu angwula ma, ka nun itukwu ofyumfye-fyumfye ogye ungwogye angwula na ba wɛ?

¹¹ Nghanɛ ongwunabu nfyumfye itukwu ba ngwu iKrestu kwulu ikyen na ka dzili ikye ozoyeye mgbi abu neni.

¹² Ni abu kyɔ emi ongwunabu obube mi itɔ ofɛ nɛ, di ta ɛwɛ otɛɛtɛ mgbi ama nfyumfye ba na mmya yɔ, abu kyɔ iKrestu obube.

¹³ Nghanɛ, ni ungwogye mgbi ani ogyeegye ka nu ongwunani esɛ ogboogbo yɔ, n ka gye mmbwɛ wuba, ikye nin ka nun esɛ ogboogbo ba.

9

Mfye mgbi inggisɛ ogbikye iYesu

¹ N dɛɛ ikyibɛn baa? Ani li inggisɛ ogbikye iYesu lo? N di iYesu Otɛ mgbi eyi ye bana? Ema li idabɔ mgbi ani mbi Otɛ baa?

² Kini inggisɛ angbeka di gbɛɛ ani li inggisɛ ogbikye iYesu ba kpaa, mbi ema yɔ ani li inggisɛ

ogbikye iYesu! Lubana ema li ambe otso gbɛɛ ani li inggisɛ ogbikye iYesu.

³ Nɛnɛ li atsondu mgbi ani onaana mbi ama nka kwo ani osha aani.

⁴ Eyi dɛɛ yi ofɛ ogye ungwogyɛ di wa ungwɔ owaawa baa?

⁵ Eyi dɛɛ yi ofɛ okye oweyi ongwu nnoyɛyɛ wafɔ yi eyi dafi ama ogbikye iYesu angbeka yi emi ongwunɔ Otɛɛ bɛyi iKɛfa li kyɔ na lo?

⁶ Naadi i yɛɛ kyɛmɛ gbɛɛ li Ani yi iBanabasi ta ka kyidɔ ikye obyɛ eweyi?

⁷ Li ali oblakwutɛ ka yɛ kpa ewon udza ofyia? Li emɛ ka ye ekwɔ se ka gye owawan ba? Li emɛ ka ngɔ ifyungwɔ se ka wa enaabe ifyungwɔ na ba?

⁸ N le gbɔdzɛ nɛ mi ozoyeye mgbi inggisɛ owamɛ taa? Ola kpaa gbɔ ngha yɛyɛ baa?

⁹ Lubana a lɔ mi Ola mgbi iMose gbɛɛ: <<Ka yama kye ukɛ wo mnda ondu onɔ ngwi o le kyidɔ ba.>> Li mnda ngwi Imgbasho gbɔdzɛ nɛ kyinɛbyiin?

¹⁰ Mi otsitsi yɔ o gbɔdzɛ nɛ ikye eyi, naadi ngha ba? Li ngha, a lɔ ikye eyi, ikyekyɛ inggisɛ oshookwɔ yi inggisɛ ogbo ungwogyowe duu ɛwɛ ogbe byiɛbyi mgbi ama li ikye otu ungwogyɛ mi okwɔ nani.

¹¹ Ni eyi kye eto mgbi onodzi kya mbi ema wali, i she lamɛ ni eyi tu ungwɔ mgbi ɛɛ nɛ mbi emaa?

¹² Ni inggisɛ angbeka kpaa ema le tobyi ma ma, ema ka nghao tobyi eyi baa?

Nghaduu eyi yama gbinebyi ito ofɛ nɛ ba. Kpaa ikye owo Eɔ Osuse mgbi iKrestu ekle bayɔ,

ungwɔ ngwi ema nu eyi duu li gyɔlo eyi.

¹³ Ema ye dafi ama nli kyidɔ mi ozu okwukwo osunu Imgbasho mi iJerosalin li tu ungwogye mgbi ama mi ele, ama nli fifɛ mi iwashi kpaa li gye atafɔ ifɛ ma wɛ?

¹⁴ Mi itɔ ofɛ nɛ kpɔɔ, Otse noola gbɛɛ nu ma byi ama ogbɔ Eso Osuse kpaa enbwa.

¹⁵ Kpaa odzɛ wo ani yi ungwɔ ntonɛ onyi ba, n dile lɔ afɛ nɛ ikyegbɛɛ ni ema kyɔ ani ungwɔ ntonɛ ba. Tatase nin kwulu onu inggise kwɔ ani abɔ otsigɛgɛ nɛni.

¹⁶ Nghaduu, ni ani le gbɔ Eso Osuse kpaa n li kyile ewo esho ba, ikyekye li Imgbasho kye idɔ nɛ wo ani abɔ. Ahoo mi ikye ani ki nin gbɔ Eso Osuse nɛ bayɔ!

¹⁷ Ni ani di itukwu ani le gbeesɔ nɛ yɔ, n sulu umba, kpaa nin le gbɔ itukwu ani bayɔ, n le kyɔkyidɔ ngwi a kye wo ani abɔ ma ta.

¹⁸ Nghanɛma umba mgbi ani li ekyɛ? Li ofɛ ogbeesɔ nɛ ayayi di mina gbɛɛ ungwɔ ndzɛ ikye ani ma nu ma kyɔ ani ele kyɛmɛ-kyɛmɛ ba.

¹⁹ Ngwi ani dubɔ ewen di byabɔ inggise ba nɛ kpaa, n kye ewani yɛɛ ofyɛɛ mgbi ali inggise duu, ikye ni ani tu inggise mbwo kpakpa mani.

²⁰ Onɔ ngwi ani dze yi emi iJuda yɔ, ani li yɛɛ dafi inggise iJuda mani, ikye okwo ma ba mbi iKrestu. Mbi ama nbyito abɔ ola yɔ, ani li kye ewani yɛɛ dafi inggise nbyidzɛ abɔ ola mani (ngwi ani byidzɛ abɔ ola ba nɛ kpa), ikye okwo ma ba mbi iKrestu.

²¹ Mbi ama nsulu ola ba ma ani li yɛɛ dafi inggise osulu ola ba (nghaduu ani kye ola mgbi

Imgbasho ngwuta ba, ani byidze abo ola mgbi iKrestu), ikye ni ani kwo ma ba mbi iKrestu.

²² Ani yee sheshē mi idzidze ama osheshē, ikye otu inggise ama nle sheshē. Ani yee alungwo duu mbi ali inggise duu, ikyegbēe mi ali ito ofe duu kpaa nin dulu angbeka wato.

²³ Ani kyungwo ntone ikye Eso Osuse, adzi nin tu mse mi ele mani.

²⁴ Ema ye dafi ama odayayi onya li mbwo kpaa li onyi ta li kye umba ma we? Tsinya mbiso ni i tu umba na.

²⁵ Inggise ama nli dayayi mi ole duu a li kpayi saan. A li kyo ikye otu umba ongwi ka la ba; nghaduu eyi li kyo ikye otu umba nka la gyegwu mani.

²⁶ Nghane ani li tsinya dafi inggise nle tsinya too-too ba, ani li gblibe dafi inggise nle ngwi asa mi awo ma ba.

²⁷ Ei, ani li nye ikpewo mgbi ani di non yee ofyee mgbi ani ikye ni ani gbeeso nya angbeka ikye ani abuen kpaa ni umba wa nyen ba mani.

10

Ka sunu adagye ba

¹ Emi ongwunani, ka yama gblimo ungwo nkyo emi otsikyeyi tugbe ngwi Imgbasho kye iwulu akpa tukwu ma nu ma nye ikpese ongwongwo fa mi onekyoo omuma na ba.

² Ungwona dze dafi iBatisima ngwi a kyo ma nu ma yee ama okyedō iMose mani.

³ Ama duu gye ungwogye ongwi onodzi ungwonyi

⁴ diye wa ungwo owawa ongwi onodzi ungwonyi; lubana a weni ikwutse onodzi nkye yi ama mani, ikwutse na di li iKrestu.

⁵ Nghaduukpaa Imgbasho sulu atsa yi angbeka kwuba mi idzidze ma ba; a kwulu jo ikwo mgbi ama gbe okwese dzii.

⁶ Ungwone nose kyo ikye otso ambe ikye ni eyi ka kye itukwu mgbi eyi fake ungwo obube dafi ama kyo na wuba.

⁷ Ka li inggise ola angwula dafi angbeka nose kyo na ba; Bana Afe lo gbɛɛ: <<Inggise ntona sise ikye ogye di wa diye kyato shufwe.>>

⁸ Ni eyi ka kyo amah dafi angbeka kyo se inggise idubu osudeta kwulu mi egbe onyi na ba.

⁹ Ni eyi ka mbadi Otse dafi angbeka mbadi se ifa ngwo ma ma ba.

¹⁰ Ka yama ndandu dafi angbeka kyo se ongyeso ikwongye ngwo ma na ba.

¹¹ Ungwo ntonɛ kyo ma ikye otso ambe, a di kyi lolu ma ikye okwo eyi ama ndze oshishe mi onɔ ɛɛ odondu ne adɔ.

¹² Nghane, kini abu ye gbɛɛ di abu kwudze kpɔklɔɔ yɔ, gbewebyi ni o ka gbese ba!

¹³ Itɔ igyila nba mbi abu duu li idzidza yi ongwi nba mbi inggise angbeka ma ba, li ba mbi inggise angbeka kpaa ngha. Nghaduu Imgbasho li kwudze mi ola mgban; O ka gbela ni igyila nka ngha abu mmye ba mbi abu ba. Kpaa onɔ ngwi a gyila abu yɔ, O ka ba yi abu ofe ongha igyila nani.

Oga angwula beyi oga mgbi Otse

¹⁴ Nghane emi okani osuse, nya osunu angwula na.

¹⁵ N le gbɔdzɛ yi inggise ama odifwi odzɛ, byi ewema ita mi odzɛ ngwi ani gbɔ nɛni.

¹⁶ Ibwe mgbi mse ngwi eyi li kye mse bɛ ele nɛ, li ondu odzɛdzɛ mgbi eyi mgbi iKrestu baa? Naadi ibredi ngwi eyi li gha nɛ li ondu odzɛdzɛ mgbi ikpewo mgbi iKrestu baa?

¹⁷ Lubana ibredi nɛ li onyi ngwi eyi duu li gha, nɛ eyi duu yɛɛ ikpewo onyi.

¹⁸ Di mi odzɛdzɛ mgbi emi iSrai: ama ngye ungwɔ ifɛ ma sunu Imgbasho mi iwashi baa?

¹⁹ Nghanɛ ani le gbɛɛ angwula hona ungwogye ngwi a kye fifɛ nu angwula li ungwɔ imɔ kpawɛ?

²⁰ Ei, ani le gbɔ ngha ba! Emi angwula li fifɛ nu emɛsɛ, li mbi Imgbasho ba, ma i mina ani gbɛɛ ni ema wa li abuge yi emɛsɛ ba.

²¹ Abu ka yagba wa ibwe mgbi Otɛɛ diyɛ wa mgbi emɛsɛ ba; o ka yagba bɛ angha mi adinyatɛ ungwogye mgbi otɛɛ yi mgbi emɛsɛ ba.

²² Eyi le mila oba yi ofu okyeekye mbi Otɛɛ? Eyi fyumfye ngha Otɛɛ?

Oduɔ ewoo mgbi inggise onoyɛyɛ

²³ <<A nu eyi ofɛ okyɔ alungwɔ duu>> kpaa li alungwɔ duu tishi ba. <<A nu eyi ofɛ okyɔ alungwɔ duu>> kpaa li alungwɔ duu ka tobyi eyi ba.

²⁴ Inggise no ka yama pita ungwɔ osuse ikye ewon ba, kpaa ikye angbeka.

²⁵ Abu ka yagba gye ali mmbwe ngwi abu gya mi idu duu, ka yama byita imbe ngwi i tɔkyɛ ba di itukwu wa nu abu obube.

²⁶ Lubana, <<ɛsɛ bɛyi ungwɔ ama nto ele duu li mgbi Otɛɛ.>>

²⁷ Kini inggise onoyeye ba bo abu oga ma abu gbela ke ya, gye alungwo ngwi o kye dze abu ese duu, ka byiibyiti ita ba di itukwu wa nu abu obube.

²⁸ Kpaa ni inggise teyi nya abu gbɛɛ, <<A kye ungwogye ne fifɛ nu angwula ya>> ka gye ba, ikye inggise ngwu nya abu na beyi ikye itukwu onuunu obube

²⁹ ka li ikyegbɛɛ itukwu nu abu obube ba, kpaa inggise oka nani. Kyɔsine ngwi ani ka kyo itukwu ani se itukwu ka nye ka nu inggise oka obube?

³⁰ Kini ani gye ungwogye na yi angba ota Imgbasho wali, kyɔsinese inggise oka ka mbe ani iyi gbɛɛ di ani kyo obube?

³¹ Nghane ni abu gye hona wa naadi alungwo ngwi abu le kyo duu, kyɔn mi ikye okwɔkwɔ mgbi Imgbasho.

³² Ka nu inggise onyi ese ogboogbo ba, yeba ni li inggise iJuda, hona iGriki hona okwakyɛ mgbi emi iKrestu kpaa,

³³ dafi ani le fya okyungwo gbɛɛ no kpa inggise mi ali ito ofɛ duu ne kpaa. Lubana n le pita mse mi ikye ewani ba kpaa mi ikye inggise ibyibyi, ikyegbɛɛ kana a wa wato.

11

¹ Kyɛdo ambe mbi ani na dafi ani kpaa le kyɛdo ambe mbi iKrestu neni.

Ola mgbi osunu mi ododa

² Ani tse ema dafi ema we yen mi alungwo diye gbewebyi otsootso ama ani gbe nu ema ntonɛ yeye mani.

³ Onene i mina ani onu ema difwi gbɛɛ ikye mgbi ali ongyulo li iKrestu, ikye mgbi ali ongyaa li ongyulo, ikye mgbi iKrestu di li Imgbasho.

⁴ Ongyulo ta ngwu bibo hona gbeeso kye angwikye tukwu yo, o nu ikye mgban (iKrestu) mmwe ba.

⁵ Ali ongyaa ndi bibo hona gbeeso yi ikye asisa yo, o nu ikye mgban (oban) mmwe ba, li ikondu dafi a kpalun otu mani.

⁶ Ni ongyaa ka yama kye ungwɔ bwa ikye bayo no nu ma wulon otu; ma ni li ungwɔ ayiwi mbon owulo otu yo, no kye ungwɔ bwa ikye.

⁷ Ngwi ongyulo dze mi odzɛɛdze beyi okwɔkwɔ mgbi Imgbasho nɛ, dze mbiso ngwi ongyulo ka kye ungwɔ tukwu ikye ba; nghaduu ongyaa li okwɔkwɔ mgbi ongyulo.

⁸ Lubana ongyulo to ikpewo ongyaa ba kpaa li ongyaa to ikpewo ongyulo aali;

⁹ A yama ta ongyulo ikye ongyaa ba kpaa li ongyaa ngwu a ta ikye ongyulo.

¹⁰ Mi itɔdze nɛ, beyi ikye engyeso emi esho yo, tishi ni ongyaa sulu ambe mgbi mfyɛ mi ikye mgban.

¹¹ Nghaduukpaa, mbi Otse yo, ongyaa byabo ongyulo, ongyulo kpaa byabo ongyaa.

¹² Lubana dafi ongyaa to ikpewo ongyulo na li ngha ngwi ongyaa kpaa di mba ongyulo yeye aali. Kpaa alungwɔ duu kye mbi Imgbasho.

¹³ Gbo otsitsi abubu: li ayin ni ongyaa bibo mbi Imgbasho ikye asisaa?

¹⁴ Kye atɛse ma jo li ungwɔ ayiwi ni otu mgbi ongyulo ngwu gbo onbukwɔ,

15 nghaduu kini ongyaa sulu otu tunto mi ikye yɔ, li ingwinda mbon: Lubana a kye otu nun ikye otukwun ikye blibli.

16 Ni i dze inggise otangwodze ne yɔ, eyi hona emi iKrestu sulu ali oka idzidza osunu ba.

Ungwogyɛ mgbi Otse ongwɛ onɔde

17 Mi otsootso ntonɛ yɔ n yama tse ema ba, lubana okwakye mgbi ema li ba yi ombeembe ngha osuse.

18 Ungwɔ ongwɛ ababɔ, n fwo gbɛɛ ni ema wa tu eka mi okwakye mgbi emi iKrestu yɔ, ogbua-gbua li dze idzidze ema, n pita onoyeye mi ele.

19 Li ungwɔ otsetsewo ba, idzidza tɔ gede-gede mi idzidze ema ikye ni Imgbasho difwi ema ama nle kyo ayin mani.

20 Ni ema wa kwakye yɔ, li oga mgbi Otse ngwɛ ema li gye ba.

21 Lubana ema li kwaafɔ giyi oka mi onɔ ngwɛ ema le gye ma ba. Inggise oka li lu yi enbwa ifu, oka li gye di wa fya.

22 Ema sulu ude ngwɛ ema ka gye di wa mi ele lo? Naadi ema kyi kye ozu mgbi Imgbasho yɛɛ ayayi diyɛ nya ama nsulu unka ba ntonɛ adi? Ni ani ki gbɔsinɛ yi ema? Ni ani ki tse ema yi itɔ ali nɛɛ? N ka tse ba!

23 Lubana ungwɔ ngwɛ ani tun mbi Otse ma ngwɛ ani kye nu ema aali: Otse iYesu kyi kyelu ibredi mi otu ngwɛ a kyon gya mani,

24 ta ngwɛ o kye angba nu Imgbasho nɛ, o kye mwalu si gbɛɛ, <<Nɛnɛ li ikpewo mgbi ani, ngwɛ dze ikye ema; kyungwɔnɛ ikye ni ema le wɛ ani na.>>

²⁵ Mi ito ofe na kpoo, o di kyi kyelu ibwe di gbɛɛ, <<Ibwe ne li ondu odzɛɛdze ofufe mi eyi mgbi ani; kyo ngha yeye onɔ ngwi i ka wan mani, ikye ole we ani.>>

²⁶ Lubana alono ngwi ema gye Ibredi di wa ibwe ne yo, ema le noola ikwu Otse nghataa mbise o ka ye.

²⁷ Ikyenghane, ali inggise ngye ibredi diye wa ibwe mgbi Otse ne mi ofe nli ayin bayo, o kyo obube mi ikpewo beyi eyi mgbi Otse.

²⁸ I tishi ni inggise kyidi odzɛɛdze mgban duuse no wa gye ibredi na diye wa mi ibwe nani.

²⁹ Lubana inggise ta ngwu gye di wa kpaa difwi gbɛɛ li ikpewo mgbi Otse bayo, o fwo ewon ikwo.

³⁰ Li ungwɔ nkya se ngwi ema kwuba ndɛngye di dotse, ma ema ibyibyɔ di kwulu kpaa wa.

³¹ Nghaduu ni eyi kyidi odzɛɛdze mgbi ewe saan yo, eyi ka ke inai ikwo mgbi Imgbasho ba.

³² Ni Otse Imgbasho gbo eyi ikwo yo, O kwo eyi ado ikyegbɛɛ ni a wa ngwo eyi ikwo ungwonyi yi ese ba mani.

³³ Nghane, emi ongwunani, ni ema ba owa gye ungwogye mgbi Otse yo, fe ewema na.

³⁴ Inggise mgbi ema ngwu enbwa don yo, no gye ungwɔ kye ude, ikyegbɛɛ onɔ ngwi ema wa kwakye yi eka ma no ka yee ungwɔ ikwo ofwoofwo ba mani. Ni ani di wa ba ta n ka tso ema ofe angbeka mbweele.

12

¹ Emi ongwunani, i mina ani gbɛɛ ni ema ka dze mi ine obuubu mi odze umba mgbi onodzi badu.

² Ono ngwi ema li emi angwula ma, ema ye dafi mi ali ito ofe duu a li nu ema boofe ikye osunu angwula nli yagba gbodze kpaa ba na mani.

³ Nghane n le nya ema gbæ, inggise nle gbodze mi Onodzi mgbi Imgbasho ka yagba fya iYesu ito ba. Inggise onyi dika yagba gbæ, <<i>Yesu li Otse ba,>> sede mi mfye mgbi Onodzi Osaan.

⁴ Uмба mgbi onodzi to ita idzidza-dzidza, ng-haduu ka li Onodzi onyi mani.

⁵ Ofæ okyo Otse ido li ita idzidza-dzidza, kpaa ka li Otse onyi mata.

⁶ Ofæ okyido mbwo yi ita, nghaduu li Imgbasho onyi ma li kyo ma nye mbi ali inggise duu.

⁷ A kye umba mgbi Onodzi nu ali inggise duu ikye ni eyi ya eweyi abo.

⁸ Inggise oka a nun Onodzi mgbi ozoyeye, oka yo a nun Onodzi mgbi okpayi ungwo di difwi,

⁹ li Onodzi onyi ma kpoo li nu inggise oyeye onuunu, di li nu umba ongyelu ootse kpaa aali.

¹⁰ Mbi oka yo li mfye okyungwo okwulewo, mbi oka li ogbo ungwo nka kyo mi ono ongwí iyayi, mbi oka li odifwi idzidza mgbi emi onodzi, mbi oka yo li ogbo ondudze ita idzidza-dzidza, oka jo yo li okyata ondudze kpaa.

¹¹ Ntone duu ka li ido mgbi Onodzi onyi nani, o di li kye nu ali inggise dafi o di kpan mani.

Ewo onyi yi alewo kwuba

¹² Dafi ewo li onyi kpaa sulu alewo kwuba ne, li ngha ngwi i dze yi iKrestu kpaa aali.

¹³ Lubana a kyo eyi duu iBatisima mi Onodzi onyi ni eyi yeæ alewo onyi, ni li emi iJuda hona

emi iGriki, ofyɛɛ naadi ongwɛ kpaa a nu eyi duu Onodzi onyi na ni eyi wa.

¹⁴ Ewo sulu alewo onyi ta ba, kpaa li alewo kwuba.

¹⁵ Kini afɔ yeba gbɛɛ, <<N li abɔ ba nɛ n yama li ayɛ mgbi ewo nɛ bayɔ,>> Mi itɔdze nɛ afɔ ka yagba dula ewon tɔ mi alewo gbɛ ba.

¹⁶ Kini adɔ gbɛɛ, <<Ikyegbɛɛ ani li inɛ ba nɛ, n wodze alewo nɛ ba,>> itɔdze nɛ ka yagba ndan oli ikpewo nɛ gbɛ ba.

¹⁷ Kini ewo tsatsa li inɛ ma, ofwoofwo kika dze ole? Kini ewo tsatsa li adɔ ma, nkwɔ ofwoofwo kika dze ole?

¹⁸ Nghaduu Imgbasho ye dafi ongwu gbe alewo tokɛ mi oloola mi ewo mani. Olele duu li dafi ongwu mina gbɛɛ no dze mani.

¹⁹ Ni alewo duu li onyi ma, ewo olɔlɔ kika dze ole?

²⁰ Ngwi i dze nghanɛ alewo le kwuba kpaa ewo li onyi ta.

²¹ Inɛ ka yagba nya abɔ gbɛɛ, <<I kwokyin yɔɔ ba ba!>> Hona ikye ka yagba nya afɔ gbɛɛ, <<I kwokyin yɔɔ ba ba!>>

²² Mi otsitsi yɔ, alewo ama nshanye di wuuta ba ma, li ama nli kyemɛ-kyemɛ aali,

²³ Alewo ama ngwi eyi li tɛwɛ gbɛɛ di a sulu mmwɛ ba ma, eyi li nghao wo ma okpa. Alewo ama ngbosa saan ba ma, eyi li kye ma dɔ ododa ba,

²⁴ Nghaduu eyi li yagba wewo yi alewo ama nto gede-gede nɛ saan ngha ba. Nghaduu Imgbasho gbe alewo duu kwokyi ikyegbɛɛ ama n yeyikpa kpaa nu ma tu mmwɛ.

²⁵ Ikɛ ni oghaagha wa dɛ mi ewo ba, kpaa nu ma tobyi ewoma.

²⁶ Kini alewo onyi kaka iso yɔ, ali alewo duu ka kaka iso na yan; kini alewo onyi tu mmwe yɔ, ali alewo duu ka tsatsa yan ungwonyi.

²⁷ Onɛnɛ ema li ewo mgbi iKrestu, ali inggisɛ mbi ema duu li alewo mgban.

²⁸ Mi obyi iKrestu yɔ Imgbasho teyi sa ama ogbikye iYesu, ongwu fan ama ogbɛɛɛɛ, ongwu ta etsetse, bɛyi ama okyungwɔ okwulewo, bɛyi ama osulu umba ongyɛlu ootse, ama nli yagba otobyi angbeka, ama nsulu umba ogbe inggisɛ teyi, bɛyi ama ogbɔ ondudɛ idzidza-dzidza.

²⁹ Li ama duu li ama ogbikye iYesuu? Li ama duu li oyegbɔɔ? Li ama duu li otsetsee? Li ama duu li kyungwɔ okwulewoo?

³⁰ Li ama duu sulu umba ongyɛlu ootsee? Li ama duu li gbɔ ondudɛ idzidza-dzidzaa? Li ama duu li kyata ondudɛɛ?

³¹ Imina mgbi ema no dɛ mi umba ama okwukwo mani.

Nghanɛ n ka tso ema ofɛ nnghao tishi ma onɛnɛni.

13

Okpitukwu

¹ Kini ani yagba ogbɔ ondudɛ mgbi inggisɛ bɛyi mgbi engyesɔ, kpaa sulu okpitukwu bayɔ, ani dɛ dafi ashɛ ngwi a kye le gbɔ yi ewoma hona ongwumfo ngwi a le sun mani.

² Ki ani dɛ yi umba oyegbɔ diyɛ dɛ yi ozoyeye ogbɔ ungwɔ ama odaada yi ali ozoyeye duu, di

dze yi oyeye onuunu nka yagba kyile unggwo gbe, kpaa ni ani sulu okpitukwu bayo, ani li unkonyi ba.

³ Kini ani gbe unggwo ngwi ani sulun duu nu emi adze diye kye ikpewo mgbi ani nu ma toola, kpaa ni ani sulu okpitukwu bayo, i tobyi ani ba.

⁴ Okpitukwu li itukwu oshiishi, li mse okyockyo, li kyo uwaba ba, li tsaabo igegbe ba, li kyile ewo esho ba.

⁵ Li fyumfye ikye ba, li pita unggwo ikye ewon ba, li dzedze kyitingga ba, li kye odze obube wo itukwu ba.

⁶ Okpitukwu li kwokyi yi unggwo obube ba, kpaa li dze yi atsa yi unggwo nli otsitsi mani.

⁷ Okpitukwu li ngyo, li nu inggise oyeye, li sulu ewe ogbe byiibyi, li kwu onyotse.

⁸ Okpitukwu li yama weese ba, nghaduu imbe ngwi elodze oyegbo to duu kawa ngye; imbe ngwi ondudze to, ka kwutsee se; imbe ngwi ozoyeye dze li wa nye.

⁹ Lubana eyi li ye sheeshe, di li yegbo sheeshe,

¹⁰ nghaduu ni oyeye osaan wa ba yo, oyeye osheshe li noofe.

¹¹ Ono ngwi ani li ongbungbe ma, n li gbodze dafi ongbe, n li tsewodze dafi ongbe, n li sakwulu odze imbiso ongbe. Ngwi ani wa yee ongyukwo ne, n dzata ali yi okyockyo mgbi ongbe nani.

¹² Onene eyi le di byini-byini dafi onodzi mi idzinggi mani; kpaa eyi kawa di ine ine. Onene ani ye sheeshe, kpaa n dika wa ye bese, dafi Imgbasho ye ani bese neni.

¹³ Onene li unggwo eta ntona ta dze, oyeye onuunu yi eka ogbe byiibyi beyi okpitukwu. Kpaa

onghaangha duu li okpitukwu.

14

Umba oyegbo bɛyi ondudze

¹ Kyɛɔ ofɛ mgbi okpitukwu di dze yi imina kpakpa mi ikye umba onodzi na. Onghaangha duu yɔ umba oyegbo.

² Lubana inggise nle gbo ondudze yɔ, o le gbɔdze yi inggise ba kpaa li Imgbasho. Otsitsi inggise onyi kpaa li tu osa mbon ba; o li le gbo ungwɔ ama odaada mi onodzi mgban.

³ Nghaduu inggise nle gbɔdze oyegbo yɔ, le gbɔdze yi inggise ikye okwu ma ɛwɛ wo nu ma fyumfye itukwu di dze myɛɛ-myɛɛ.

⁴ Inggise nle gbo ondudze ngwi inggise difwi bayɔ le tobyi ewon ta, kpaa ongwu nle gbo ondu oyegbo yɔ le tobyi okwakyɛ mgbi emi iKrestu duu.

⁵ I mina ani gbɛɛ, ali inggise duu kile gbo ondudze angbeka, nghaduu ka tatase lo ani ni ema le yegbo yɔ. Lubana inggise nle yegbo shewo ngha ongwu nle gbo ondudze angbeka, sede no nu osa ikye otobyi okwakyɛ mgbi emi iKrestu yɔ.

⁶ Emi ongwunani, onɛnɛ ni ani ba mbi ema wa le gbo ondudze angbeka ma, n tobyi ema mi ekyɛ, sede ni ani kwulu iba hona ozoyeye hona yegbo naadi ewodze se ka ya ema abɔ baa?

⁷ Mi odze ungwɔ ama ndze oshishe ba li gbela dafi ozuna yi elete nɛ, ni ela mgbi ama li ungwonyi ma, a kika kyɔsinese ye idzidza mgbi ama.

⁸ Ni agba di kweela tɔ saan ba ma li emɛ ka wewo ika?

⁹ Li ngha ndze yi abu aali. Ni abu gbɔdze mi ozoyeye mi ondudze mgbi abu ba ma inggise ka kyɔsine ye odze ngwi abu le gbɔ? Ka dze dafi abu le gbɔdze yaoke awo ta mani.

¹⁰ Ondudze mbwo mi ese li otsitsi, kpaa ama duu a li gbɔ ma yi itaan.

¹¹ Kini inggise le gbɔ ondudze ma ni ani le difwi bayɔ ani yan duu ka yee ingyoga ewe.

¹² Li ngha ndze yi abu aali. Dafi i mina abu otu umba mgbi onodzi ne, sadulu umba ama nka dze yi okwakye mgbi emi odzimgbasho abɔ oyaaya mani.

¹³ Mi itɔdze ne, ali inggise nle gbɔ ondudze ngwi a yen bayɔ, no bibɔ no tu mfyɛ onu osa mi ungwɔ ngwi o le gbɔn mani.

¹⁴ Lubana ni ani bibɔ mi ondudze ngwi a yen bayɔ, onodzi mgbi ani bibɔ sewaali kpaa itukwu ka tɔ yi unkonyi ba.

¹⁵ Nghane n ka kyɔsine den? N ka bibɔ yi onodzi mgben dika bibɔ mi itukwu kpaa. N ka shashi yi onodzi beyi itukwu mgben kpaa.

¹⁶ Kini abu le tse Imgbasho yi onodzi mgbi abu ma, inggise ngwu wo yi abu ngwi i gbosa lon ba na ka kyɔsinese gbela gbɛ <<no dze ngha>> mi angba ota-ta mgbi abu na?

¹⁷ Angba mgbi abu na ka menbwa saan, kpaa inggise oka na tu oyabɔ mi ele ba.

¹⁸ N ta Imgbasho angba dafi ani li gbɔ ondudze ongwɔ a fwon ba ngha ema duu.

¹⁹ Nghaduu mi okwakye mgbi emi odzimgbasho yɔ, i tatase nin gbɔ elodze eda mi ondudze ngwi a yen ngha ngwi ani ka gbɔ elodze idubu iwyo mi ondudze ngwi inggise yen ba mani.

²⁰ Emi ongwunani, nya otsewodze dafi engbe na, ka ye obube ba dafi engbe, kpaa tsewodze dafi ongyukwo.

²¹ A lo mi afe gbee, <<N ka nu ingyoga gbodze yi inggise ntonɛ mi ondudze beyi ikyiiɛ ngwi a yen ba, nghaduu kpaa a ka fwo ani ba,>> li Otse gbodze neni.

²² Ikyenghanɛ, ondudze ngwi angbeka yen ba nɛ li ambɛ ndze ikye ama onoyeye ba, kpaa dze ikye ama nnoyeye ba mani, nghaduu odze oyegbo dze ikye mgbi ama onoyeye, li ikye ama onoyeye ba na ba.

²³ Nghanɛ, ni okwakye mgbi emi odzimgbasho duu kwakye mbonyi ma ama duu le gbo ondudze ngwi a yen ba, ma ni inggise ama ngwu i gbosa lo ma ba yi ama onoyeye ba wa kaka ma, a ka gbee ema duu le wede bana?

²⁴ Kpaa ni ali inggise duu le gbo elodze oyegbo ma inggise ngwu noyeye hona ngwi i gbosa lon ba wa kaka ya, ka gbosa lon mbi ali inggise duu gbee ongwu li inggise obube,

²⁵ man o ka fwi ungwɔ odaada ama nwoto itukwu mbon di yɛɛ okwakwafo sunu Imgbasho diye gbee, <<Mi otsitsi Imgbasho dze yi ema.>>

Osunu mi oloola

²⁶ Eyi ka gbosine waden, emi ongwunani? Ono ngwi ema kwakye ya, kyungwa nka gbosa lo ali inggise duu, ni inggise oka li inggise ohashi, oka no li inggise otsootso, oka no li inggise ofwi iba mgbi Imgbasho, oka no li inggise ogbeeso mi ondudze ngwi a yen ba, oka kpoo no li inggise onu osa mi ondudze nani. Ungwa ntonɛ duu no li ikye oyabo mgbi okwakye mgbi emi odzimgbasho.

²⁷ Ni inggise ka gbɔdze mi ondudze ngwi a yen bayɔ, no ka nɔha inggise efa naadi eta ba, nu ma gbɔ onyonyi, ni inggise oka di dze onu osa kyeme-kyeme.

²⁸ Ni inggise dzema onu osa bayɔ, inggise na no tukwɔndu mi okwakye, no gbɔdze mi itukwu mɔban yi Imgbasho efa.

²⁹ Ama ogbɛɛse efa hona eta ama ndze yi esɔ mɔbi Imgbasho nu ma gbɔdze, angbeka duu nu ma gadɔ saan fwo ungwɔ ngwi a le gbɔ mani.

³⁰ Ma ni inɛ odiidi ba mbi inggise oka ngwu sɔdze esɛ yɔ ongwu nle gbɔdze na no kwulesɛ.

³¹ Lubana, ema ka yagba gbeesɔ onyonyi ni ali inggise tu ungwɔ otsootso na di fyumfye itukwu mani.

³² Oyegbɔ no fɛ no dikyon se no gbɔ.

³³ Lubana Imgbasho li Imgbasho oba yi endɛ owoowo ba, kpaa O li Imgbasho mɔbi iyu.

Mi ali okwakye mɔbi emi osaan duu,

³⁴ engyaa nu ma sɔ shili mi okwakye mɔbi emi odzimgbasho. A nu ma ofɛ ogbɔdze ba, dafi ola mɔbi emi iJuda tso mani, nu ma fwoofwo.

³⁵ Kini ungwɔ wo engyaa endɛ yɔ nu ma byi oba ma mi ude, lubana li ungwɔ ayiwi kwuba ni engyaa gbɔdze mi okwakye mɔbi emi odzimgbasho.

³⁶ Elodzimgbasho nɛ tɔkyɛ mbi emaa? Naadi li mbi ema ta ngwi elodze nɛ fatilaa?

³⁷ Kini inggise tsɛwe gbɛɛ ongwu li oyegbɔ hona dze yi umba mɔbi onodzi yɔ, o ka ye dafi li ola ngwi Otse abuan wo ngwi ani le lɔ mani.

³⁸ Inggise nbyi elodze nɛ mi abube yɔ, a kawa kyon dzeke abube.

³⁹ Nghane emi ongwunani, itukwu no dze ema olola ogbeeso, dika kwɔ ma ondudze angbeka ogboogbo ba.

⁴⁰ Kpaa ni a kyɔ alungwɔ duu saan no di dze mi ola kpaa.

15

Okyee-kyee mgbi iKrestu mi ikwu

¹ Emi ongwunani, i mina ani owe ema eso osuse ngwi n ple gbo nya ema ngwi ema gbe di kwulesɛ dze efu neni.

² Kini ema byi Eso Osuse ngwi ani gbo nya ema ne saan yɔ ema wato, kpaa ni li ngha bayɔ oyeye onuunu mgbi ema duu weeni.

³ Lubana ani nya ema eso ingblimo dafi a kye nu ani mani gbɛ: iKrestu kwulu ikye ali ibwubwe mgbi eyi dafi Afe lo mani,

⁴ a kyon ndzi, mi egbe ongwu ta ma a kyilen mi ikwu,

⁵ O di mblegba tu iPyita, beyi iwyodefa ntonani.

⁶ Ngwi ungwone kyɔ nye ne, O di mblegba tu emi iKrestu angbeka ngwu mmbwo mgbi ama ngha ideli eda ononyi, angbeka mi ele ka to oshishe ma, kpaa angbeka yɔ kwulu wa.

⁷ Ne O mblegba tu iJensi di wa mblegba tu ama ogbikyon duu,

⁸ ongyeengye duu yɔ, O mblegba tu ani ngwu a mba ani mi itɔdze ba neni.

⁹ Lubana ani nghao yeyikpa mbi ama ogbikye iYesu duu, ani gbuo ngwi a ki kwu ani gbɛ inggise ogbikye iYesu kpaa ba, ikyesine ani nu emi odzimgbasho iso.

¹⁰ Nghaduu li mi elela mgbi Imgbasho ngwi ani yɛɛ ungwɔ ani dɛɛ nɛ aani, elela mgban nɛ kyidɔ mbi ani saan. N kyidɔ ngha ma duu, li onghaangha mgbi ani ba kpaa li elela mgbi Imgbasho ndɛɛ yi ani mani.

¹¹ Ungwɔ okwukwo yɔ, ni li ani hona ama gbeesɔ kpaa ka li esɔ ma onyi ta, di li esɔ nɛ ngwi ema noyɛyɛ mi ele aani.

Okyɛɛ-kyɛɛ mgbi emi ikwukwo

¹² Kini eyi gbeesɔ gbɛɛ a kyile iKrestu mi ikwu waali, kyɔsine ngwi ema angbeka li gbɛɛ okyɛɛ-kyɛɛ mi ikwu dzɛma ba?

¹³ Kini okyɛɛ mi ikwu dzɛma bayɔ, iYesu kpaa a kyilon ba.

¹⁴ Ma ni a kyile iYesu bayɔ, esɔ mgbi eyi ogboɔgbo bɛyi oyɛyɛ mgbi ema onuunu duu weeni.

¹⁵ Li ngha ta ba, a di eyi dafi obwendɛ ama ogbatsika mi odzimgbasho, lubana eyi gbɛɛ Imgbasho kyile iKrestu mi ikwu. Kpaa O kyilon luba, ni li otsitsi gbɛɛ a li kyile emi ikwukwo bayɔ.

¹⁶ Lubana ni a ka kyile emi ikwukwo bayɔ, iYesu kpaa a kyilon ba sewaalo.

¹⁷ Ma ni a kyile iKrestu bayɔ, oyɛyɛ onuunu mgbi ema weeni, ema ka woto ifu ali ibwubwe mgbi ema.

¹⁸ No li ngha yɔ, ama ngwu nuna mi ifu iKrestu kpaa a tila-tila jo.

¹⁹ No li mi itɔdzɛ nɛ ta ngwi eyi kye ɛwɛ ogbe byiiby mgbi eyi byi mbi iKrestu yɔ, eyi yɛɛ ungwɔ elela ngha mi ɛɛ duu.

20 Nghaduu mi otsitsi yɔ, a kyile iKrestu mi ikwu, o di li ongwovɛ mgbi emi ikwukwɔ duu.

21 Lubana dafi ikwongye nye mbi inggise onyi nɛ, li ngha ngwi okyɛɛ-kyɛɛ mi ikwu kpaa nye mbi inggise onyi aali.

22 Bana, ngwi inggise duu tu ikwongye ikpewo Adan nɛ, li ngha ngwi eyi duu ka tu oshishe ikpewo iKrestu aali.

23 Nghaduu ali inggise onɔ mgban dze, iKrestu li ongwovɛ, onɔ ngwi o wa yɛ ta a ka kyile emidan.

24 Ta ɛɛ ka ngyɛ, man o ka dzili alungwɔ duu bɛyi mfyɛ yile esuto wo Imgbasho Otsɔn abɔ.

25 Lubana iKrestu ka kyuuto nghataa mbise o ka talu engyikyili mgban wɛɛɛ.

26 Ongyikyili ongwi olɛɛ o ka dzilin yɔ li ikwongye.

27 Lubana odze ngwi Afɛ gbɛɛ, <<O ka gbe alungwɔ duu won abɔ nɛ kpaa.>> Imgbasho wodze <<Alungwɔ duu>> na ba, ikyekyɛ li Imgbasho abɔn kye alungwɔ duu wo iKrestu abɔ aali.

28 Onɔ ngwi alungwɔ duu woke abɔ mgbi ongwɛ Imgbasho ma o ka yile ewon wo Imgbasho kɛ abɔ, ikyɛ ni Imgbasho li Ugabaidu.

29 Kini okyɛɛ mi ikwu dzɛma ba ma, ama ngwu a kyɔ ma iBatisima mi ikyɛ emi ikwukwɔ ntona ka kyɔsine? Ni inggise li kyɛɛ mi ikwu ba dududu ma, kyɔnɛ a le kyɔ inggise iBatisima gbikye ma?

30 Eyi ma kyɔnɛ ngwi eyi di kye onbukwɔ mgbi eyi le nu eba ali obyi duu?

31 Ani kye ewen le bɔ ikwu alegbe, li abɔ otsigɛɛ ngwi ani sulun mbi ema mi ikyɛ iKrestu ma nin le gbɔdze nɛ ngha aani.

³² Ki ani tsiibe yi mmbwaba emi Efesu mi ewe otseetse mgbi mmbwe yi eyi tama, li ali oyabo ngwi ani tu? Kpaa nu ma li kyile emi ikwukwo bayo, <<Ba ni eyi gye di wa na, ikyesine ekeka i ka kwulu.>>

³³ Ka nu ma kyo ema ikwanghewo ba, uka obube li mbe inggise osuse.

³⁴ Yile itukwu bese di nya yi ali ibwubwe na, ikye onu ema ayiwi yo inggise angbeka toma ngwu yama difwi Imgbasho waba.

Ikpewo nkyee mi ikwu

³⁵ Kaba inggise oka ka byita gbese, <<A ka kyile emi ikwukwo sine? A ka kye yi ali ito ewo?>>

³⁶ Ka li ikwangha ba na, eto ungwɔ li bwa kyeme se wa lumbye to ese.

³⁷ Inene ungwɔ ngwi abu kye kya li idzidza yi mmye nli wa lu to nani.

³⁸ Ali eto ungwɔ duu Imgbasho li nu ma ewo ngwi O di kpan mani.

³⁹ Ikpewo duu li ungwonyi ba, inggise sulu ikpewo idzidza, mgbi mmbwaba yi ingwuno beyi mmbweni kpaa li idzidza-dzidza.

⁴⁰ Ewo emi esho to ma se ewo emi ese kpaa kwa to; ewo ongwɔ esho dze yi ito okwɔkwɔ mgban, se ewo ongwɔ ese kwa dze yi ito okwɔkwɔ mgban aali.

⁴¹ Ono dze yi ito okwɔkwɔ mgban, ofyia kpaa dze yi mgban, mce kpaa to yi mgbi ama, okwɔkwɔ mgbi mce angbeka kpaa di nye idzidza yi angbeka.

⁴² Li ngha nkawa dze yi okye-kye mi ikwu aali. Ikpewo ongwi a kye ndzi na ka bwa, kpaa ongwi a ka kyilon na ka bwa wuba gyegwu.

⁴³ A li kye ikpewo ndzi mi mmwe ba, kpaa a li kyilen mi okwɔkwɔ; a li kye ndzi mi ewo odzaatsi, nghaduu a li kyile mi mfyɛ;

⁴⁴ A li ndzi mi ikpewo mgbi mmbwe yi eyi, a li kyilen mi ikpewo ongwi onodzi.

Kini ikpewo mgbi mmbwe yi eyi dze yɔ, ikpewo mgbi onodzi kpaa dze.

⁴⁵ Li ngha ngwi a lɔ gbɛɛ, <<Adan ongwu ababo na li inggise oshishe>> Ongwu olele li onodzi onu oshishe aali.

⁴⁶ Mgbi atta li ba ababo se mgbi onodzi li wa ba olele.

⁴⁷ Adan ongwu ababo na li mi ombulu ongwi esɛ ngwi a man, kpaa ongwu fan na yɔ kye mi esho.

⁴⁸ Ali inggise nli mgbi esɛ yɔ, ewo mgban li ungwonyi yi ongwu a mɛ mi ombulu ongwi esɛ nɛni. Ama nli mgbi esho yɔ, a li ungwonyi yi ongwu nkyɛ esho nani.

⁴⁹ Dafi ngwi eyi kye otsonodzi mgbi inggise ongwi esɛ nɛ nɛ, li ngha ngwi eyi dika kye otsonodzi mgbi ongwu nkyɛ esho na aali.

⁵⁰ N le nya ema emi ongwunani saan gbɛɛ, mmbwe yi eyi ka yagba gyokwudɛ esuto mgbi Imgbasho ba, hona ungwɔ odzili-dzili ka yagba gyokwudɛ ungwɔ nka dzili ba na ba.

⁵¹ Gadɔ nin nya ema ungwɔ odaada na, li eyi duu ka kwulu ba, kpaa eyi duu a ka kyata eyi.

⁵² Ka le vla dafi a li blinɛ nɛni, mi onɔ ngwi a ka fo agba ongwi olele mani. Lubana agba kawa fo man a ka kyile ikpewo ama nka kwulu wuba

ntonani. Ta a ka nyine eyi ikye ni eyi ka kwulu wuba.

⁵³ Ikyesine ikpewo nli dzili ne ka kyata yee ikpewo odzili wuba, ikpewo nli kwulu ne ka yee ikpewo okwulu wuba.

⁵⁴ Ono ngwi ikpewo odzili-dzili ne yee ikpewo odzili wuba ikpewo okwulu-kwulu kpaa yee ikpewo nka kwulu wuba ta ungwɔ ngwi a lo gbɛɛ, <<Onghaangha kye ikwongye mbe,>> na ka kaka yeye.

⁵⁵ <<Ikwongye, onghaangha mgbi abu ko? Ik-wongye oto-to mgbi abu ma di dze ole?>>

⁵⁶ Oto-to mgbi ikwongye li alobube, mfyɛ mgbi alobube di li ola.

⁵⁷ Nghaduu eyi ka ta Imgbasho angba dafi o nu eyi onghaangha mbi Otse iYesu iKrestu mani.

⁵⁸ Nghane emi ongwunani ama okpa ani itukwu, kwudze kpokloɔ di kye ewema duu nu ikye ido mgbi otse na, ikyekye ema ye dafi ido mgbi ema ka weeni ba mani.

16

Umba onuunu ikye ama onoyeye

¹ Nghane mi ikye umba mgbi ama osunu Imgbasho mi ayese mgbi iJudia na yo, kyo yeye dafi ani nya emi iKrestu mi iGalatia gbɛɛ nu ma kyo nani.

² Mi egbe ongwi ababo mi ali ikyidu, ali inggise no kye ongwɛ udza le da, dafi o li tu mani. Ikye ni ani wa ba yo, a ka kyadze gbɛ umba wuba mani.

³ Ni ani wa kaka ta, n ka kye afe okye inggise tso nu ama ema sadu di do ma eso yi umba mgbi ema lu iJerosalin ntonani.

⁴ Ni i gbuo gyo ni ani kpaa ke yo, a sika wafɔ yen.

IPol tsewe agaba

⁵ Ni ani ngyelu okyee mi iMasidonia ta n ka ba mbi ema, ikyesine n weka onye ongwɔ iMasidonia.

⁶ Ye kyo ba n ka kye ongwɔnɔ gwee yi ema, hona n ka kye owa ololo ne duu yi ema, adzi ni ema tobyi ani mi agaba angbeka ngwi n ka ke duu.

⁷ I minen odzɛɛdze agaba nye di di ema ta ba, i minen okye egbe efa yi ema, kini Imgbasho noofɛ yo.

⁸ Nghaduu n ka tila dze Efesu nghataa ba onɔ iPentikɔsu,

⁹ ikyekye ofɛ la ani asisa gbadaa okyido mmeneni, kpaa inggise kwuba gbela yen ba.

¹⁰ Kini iTimoti wa ba yo, di na gbɛɛ unkonyi nka ba yan imio dzɛma ba na. Lubana o kyido mgbi Otse yeye dafi ani le kyo neni.

¹¹ Inggise onyi no wa fwa ogban ba. Won ofɛ beyi emi ongwuneyi ntona nu ma ye luba mbi ani na, n le giine ma.

¹² Mi odze mgbi ongwuneyi Apolo yo, ani biban gbɛɛ no wafɔ yi engwuneyi ntonɛ kpaa ewo kyeɛ lon esho ba, o kawa ba onɔ ngwi o tu onɔ mani.

¹³ Gbewɛbyi na, kwudze kpɔklɔɔ mi oyeye onuunu, li inggise ama otsabo igɛge di fyumfye itukwu na.

¹⁴ Kyo alungwo duu mi okpitukwu.

¹⁵ Ema ye dafi eto mgbi iStefana li ababo mi ayese mgbi Acaya okyatitukwu mani, a di kye ewoma nu mi ido mgbi emi osaan. N le tekye nu ema emi ongwunani gbɛɛ,

¹⁶ ni ema sunu ito inggise ntoneni beyi ama nle kyido ito mgbi ama neni.

¹⁷ N tsatsa onɔ ngwi iStefana yi iFotunatu beyi Akayiko ba mben mani, ikyekye a le tobyi ani gbikye ema.

¹⁸ Lubana a nu itukwu be ani yi ema ese. Ito inggise ntona gbuo a ki nu ma umba.

Angba olele

¹⁹ Obyi iKrestu emi ayese mgbi Asia nu ema angba kwuba. Akwila yi iPrisila beyi emi iKrestu ama nkwakye mi ude ama kpaa le ta ema angba lelele mi iyi mgbi Otse.

²⁰ Ama onoyeye duu le ta ema angba. Ta ewema angba di tsekwulu ewema mi ofe osaan na.

²¹ Li ani iPol lo afe angba ne abuen.

²² Inggise ngwu Otse kpan itukwu bayo ikamba ikyon. Otse ki ye ple!

²³ Ni elela mgbi Otse iYesu dze yi ema.

²⁴ Okpitukwu mgbi ani no ke mbi ali inggise ndze mbi iKrestu iYesu duu. No dze ngha.

Etulo NT

Portions of the Holy Bible in the Etulo language of Nigeria

copyright © 2024 Initiative for the Translation and Development of African Languages

Language: (Etulo)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 26 Jul 2025 from source files dated 9 Jul 2025

156b6685-3a62-5375-95ed-97245882cc90